

卷一笑

漢書門類	三二四
函號	九〇
架	一四
冊	六


卷一至卷二

內閣文庫	漢書
三〇九函	三二四〇號
五架	二冊

小説 四

內閣文庫	番號	漢	3240
	冊數	6	(1)
	函號	309	73




309-73





序

淺草文庫

卓吾子曰。吾儕肖形宇宙。役役與世故相馳逐也。將認爲真乎。假乎。真假各半乎。余思纏縛難解。第不施線索之木偶耳。卽達叟大觀。能跳躍葫蘆外否也。羣



相習而罔悟。究竟不曉。為誰嘲
美。是不可大發一笑哉。余特揭
以醒世之汶汶者。敢云木鐸之
警矣乎。有謂余而哂世傲物也
聽之。有謂余而舞蹈之。甚于悲
涕也。亦聽之。



一笑引

言而無禪乎。世教雖竊附班
馬。奚藉顯若越之陰實翼之。即
诙諧調笑。靡不至。理存焉。彼匪隸
之子。顛豸之輩。稍語之。艱阻非
以為不可入。便掩口而笑不識

何所自出矣太史公曰談言微
中又曰道在稊稗夫苟以引
肌貫脉安見滑稽之魔補也
嗟人縱習染最深平旦莫不
自在讀此而瞿然覺惕烏識其
言鑿此而不甘滄為烏識其
妄由此而觸類旁達借以消鄙
借以祛固借以振起愚昧沾滯
之見又烏識其妄則謂是編而
編席雕龍角巧集技以藻績
勝非也謂琢商刻呂敲審上下
以聲律勝非也謂取資譚笑

三
悅目賞心湯不虛勸懲之功收
家餓之功而亦非也得之忘象
得意忘言是在味旨若喉以心
不喉以類以不喉之不以喉之乃
可 一納道人題




題辭

自古文人所落不羈非好以誕罔自居
也徧閱古今盛衰故反覆靡定遂視
世界如戲場目人物如傀儡適增可笑
而已矧卓吾先生身歷崎嶇者乎先生
讀書博青紫而復以文章詼諧不滿意

時囚首械繫一同下賤嗟乎世事如碁
信夫故茲集大都以滑稽調笑之中含
咨嗟太息之思于坡以千載有神合焉
意深哉試觀其集上而終之以呆集下
而終之以痴明謂人間世無可商榷是
非以痴呆兩字塞白足矣走生平酷嗜

先生文而此尤先生之心神血脉埋藏
而寄情者也敢不捧讀為先生嘆弁以
嘆世耶雖不能提衆于清涼彼岸曰火
坑添薪則茲集庶幾其免矣

海上髮僧慧顛書贈



例

卓老識見非可捉握定也此亦特寄情而
原無牽繫讀者自當得於言外不與時本
譚詞並目

上集長篇琬琰頗堪暢情下集隨錄弗遺
碎金也似不瑣、別類而今辨自在
所輯無能立異也第不關意中語不錄則

是編豈獨取資噴飯而已

吐罵嬉笑盡是文章街談市語可入詩料
蘇長公實有之集下鳩此公語居多想卓
老意氣相近邪

止用圈不用評者正恐笑中索笑渾然之
味反緣着意掩真是以不敢佛頭加糞

一衲道人屠隆閱畢再識



附錄

卓吾善罵其徒懷林請曰罵人者至禽獸狗
奴強盜止矣卓吾曰做強盜者或為官司逼
迫或是盛有氣力者狗雖一畜義性尤重守
護家中逐令不去豈負無食亦將就過度豈
如人奴特不足以使人者耳豈可以此罵人林
遂引數十種如蛇如虎之類俱是罵人不得者

商量至夜分。卓吾嘆曰。好看者人也。好相處者人也。祇是一付肚腸。甚不可看。不可處耳。林曰。果如此。久真難。以形容矣。相與一咲而睡。

幻生笑述

李卓吾先生開卷一笑集上目錄

卷之一 計十一條

山人詞

真若虛傳

屈屈賦

長恨賦

捲堂文

村學先生自敘

嗟嗟說

幫閒賦

賭博賦

訟師賦

夜兒傳

卷之二 計十六條

懼內經 捐阜旗經

化妬經 Y鬢賦

Y鬢嘆 閨怨歌

娼妓述 娼妓賦

金陵六院市語 風月機關

妓家祝獻文 火娼誦

官妓入道募緣疏 團童命書

開男風曉諭 禁男風曉諭

卷之三 計十五條

鬚鬚賦 歪頭賦

麻子賦 瞎子賦

左丘明賦嘲右瞎 毛裡眼賦

大鼻賦 歪嘴賦

化鬚賦 咎鬚文

鬚鬚賦 疙舌賦

婁子賦

秃指賦

躡脚賦

卷之四 計十四條

麴蘖生傳

傾國生傳

孔方生傳

忿戾生傳

遣麴生文

荅戒酒文

梅嘉慶傳

遺精復度招情

醒迷論

辭美人賦

慕富聯姻詞

細腰歌

禮貧賦

送窮祭文

卷之五 計九條

十二姬傳 文房

巾妖慨

別頭巾文

破踪帽歌

巾帽相詈文

破羶襪歌

勵世篇

募綿衣疏

湯婆子竹夫人判

卷之六 計十五條

狃說 嘲奴僕

誅鼠文

養狸述

鼠告詞

三友傳 鳥

美女月夜遊園記

秋蟬吟

青蛙吟

鬪螺贏記

憎蚊賦

憎蚊說

螢蚊判

罵虱文

虱蚤相話解

送疥文

卷之七 計十條

田家樂賦

偷閒論

漁樵角勝

惠山景白

祛倦鬼文

謹睡魔文

開惑篇

扯淡歌

呵呵令

學呆歌

開卷篇

上卷入

蘇守判和尚犯姦

鬚髯文

田家樂類

惠山景白

俞國論

卷之十

笑集下

李卓吾先生開卷一笑集下目錄

卷之一 計六十六條

蘇守判和尚犯姦 東坡譏侍姬肉體

大瓢行歌 遊金山

東坡捧腹 挾妓叅禪

笑王祈竹詩 東坡嘲司馬之斂

子瞻喜恢諧談諢 謝表寓諷

安常相對 佛印為僧

酒令相嘲

戲澗中取蚌

題僧詩軸

題像

聯松詩

遊藏春塢

聯句嘲僧

辨虱

忙令

兩意對

佳對

千字文謎

月素撞席

取笑行者

四物令

鳩虱對

夫人對

數目令

東坡戲刺獄官

六眼龜號

嘲郭祥正詩

受屈鼈相公

嘲呂微仲

調司馬

隱刺荆公

嘲貢父惡疾

子瞻荅元章

子瞻還姜至之令

謝復宗儒簡

搽粉虞侯

贈李琪書

雪詩代謹

戲子厚腹

贈曾生句

嘲陳季常懼內

二相公廟

牛醫兒

謔荆公語

調章子厚

巧荅貢父

子瞻赴獄調妻

坡字巧對

小詩寓謔

戲迎合宰相

杭州判投牒

儋耳醉書

謔晁美叔

嘲子厚詩

刺荆公字說

謔叅寥詩料

點悟琴操

子瞻從權食肉

蘇小妹相嘲詩

劉蘇嘲語

卷之二

計六十一條

楚娘矜姿色悔嫁

伴喜私犯張嬋娟

花仲胤寄妻情詞

徐軍校兩妻復舊

唐明皇嚙助情花

山陰王戲褚彥回

賈皇后喜洛南吏

梁武獲鶴鷓置膳

郭順卿善調叅政 劉婆惜巧合監郡

宋玉辨已不好色 崔女怨盧郎年幾

陳居士暫寄師叔 史君實贈尼還俗

陳沆嘲道士啗肉 蔣氏嘲和尚戒酒

大壯作補闕燈架 扈戴被水香勸盞

全遊善詞調恢諧 陸宅之贈妓為尼

陳無損顯姬再適 李端端被譽得名

謝師厚嘲胥宿妓 詹蘇諧語

芝蔴通鑑

祝給舍

河洛人幻術

秦府伶戲術

張妓諧語

太倉庫偷兒

李文達公試餘姚

王文成公諛語

桐城女

胡恭母

韓清

感孕

陳大司馬諛語

不解書意

性好各別

米芾謝硯

元章清賞

槐膠彈子

虱誦阿房賦

翻綽入水

副急淚

之才聰辨

巧妓齊雅秀

銀以鼓文趣

考功自調

犯姦盜牛獲免罪

賣骨董對

外任京職相諛

郭戴二奇才

崔來鳳子

輕狂舉子

噴嚏

釋稱父母

字謎

煮粥詩

鐵舍大腹

老人十拘

卷之三 計五十條

少延清歡

杜鵑喚歸

孫山答書

鄭光辭表

同生戊子

王宰相施設

孫丁甲第

吏部機警

偷狗賦

秦魏二使善嘲

好色自迷

省闈蠢問

訴事口給

祿山胡習

洛中新聞

王皓失馬得馬

逆風張帆

義獻自任

方池詩

遥宗雅嘲

人參澡荳

調慳主人

魏收嘲屈

也不碍諺語

分司御史

衛玠丰姿

謝郎中女

償博太守

石裕酒林

郭文洗花

鄭泉快飲

平康妓

季玄酒

何佟之潔癖

方棠陵翻天人案

楊玠盜書

晦堂點悟

張氏雀鼠

晉公術數不爲動

王夷甫不言錢

岳柱巧詰

蘇舜卿酒佐

解學士題道士像

令掾確對

夏周二相公謔語

宗室子丐食不廢禮

解學士應口對

嘲六十而娶

嘲誤寫枇杷詩

解大紳書影

卷之四

計五十條

李文正公隱謔

解縉嘲衆吟

嚴高二相公善謔

解大紳對

李文正公神童

伯虎答訪

文正公對

葉又問不解軍事

王敦未諳貴家體

支元獻高堂

陽明賦詩

崔夫人獠語

土地錯配

楊大年狎老

西字臉

太古碑

盛丁梅竇

卽事詩

相公相婆

顏回買誼

王翰林

海蛇何以嗜

錯認老子

陳令判老大成婚

檳榔酬報

宋之問口過

崔杜相戲

楊衡爲人盜文

長髯無安頓處

梁趙調謔

幡綽善調文樹

歸皮相嘲

守忠滑稽

令夫人疑弄已

孫子荆誤語

宋子京雪幕揮毫

老婢巧擬宣武

周翰精敏

盛度撰碑

趙伯翁孫兒

荆公嘲湖陰先生

胡昉浙漕

漢有三牲

許嘲林隱

天怕老婆

楊伯子束像歸山

裴贇侍女詩

苗振倒紉

侯白潛探使情

髑髏受虧

卷之五

計四十九條

楊州司馬哭姊

笑矜門第

櫻桃詩不成韻

郝隆富腹

老嫗捷口

顯微異饌

王鐸事急

馭者罵相

女奴却要

李女可愛

不能作無麵餅

韓浦兄弟

崔以戲動李夫人

范寺丞妻

李嘲陳越人

党進怒咄畫工

江南驛吏

鬻餅不聞歌

北方相禮

賈待詔侍太宗碁

新郎阿婆

梁灝及第謝表

元章顛索右軍書

延之慙偃

捧硯監簿

女婿姨夫

張司錄夜殺猪

覩畫減疾

阮簡圍碁

姊弟雙寵

伯益希孟題贊

死生無見

荅須古玩

道民黥面

宋人戲破

年少戲責

程尹識字未穩

曹東畝慰足詞

關漢卿得還王詭

羅隱嘲妓詩

處士生欲速死

喜不識字

舉世皆濁

張觸僧怒

嘲附會姓氏

鍾毓鍾會

相傳小號

畏饅頭臘茶

劉將軍不識鳳毛

卷之六

計五十一條

微諷關雎

公榮疎放

娥秀妓聰慧過人

李勣戲左司郎中贊

鄭昌圖苦騎驢

王周二丞相嘲語

楊夫人送行詩

尚書小字

賈盧隱嘲

方張確對

滄浪捷口

粟監為判

杜邠布袋

索飲被嘲

硬妓

豪逸進士

妻有三畏

卿卿始是安豐婦

孫放佳兒

邊孝先警門人

張憑祖孫善謔

太平宰相

日者目力

賓王捷對

陳蔡互謔

褚歸以破見擯

村學傳誤

石動箏機辨

侯白令令字狗吠

戲中榜末

鴻漸懼內

成郎中催妝詩

丁稜筆聲

買履不自信

狄盧相謔

盧延讓一生得力詩

納粟監生

懼內圖

壯健馬

死未足恨

陳子朝妾

李尚書故人子

焯炫兄弟

方朔大笑

李戴仁迂性

妖賊大口

盛度胖體

張由古之博學

陳東權州事

王祚問卜

元發戲荅廣淵

卷之七 計四十九條

僧哥

畏婦變羊

侯白雅謔

義方妻僧詩消白晝

張丞相草書

曼卿墮馬

元帝笑洪喬之謝

劉伶誑飲

袁正辭志在益錢

張思光誤謁尚書

婁師德叱庖人

虞嘯父獻替

思光兄弟

正德認水厄為水難

邵李的對

閔氏遠姓

男子魔

艾子四臟

製餽飽法

巢由進士

宋郊兄弟荅語

丘浚打和尚

李福畏妻腹痛

優人諧謔

房夫人

令史數驢罪

子瑜以面得驢

劉嫗相嘲

刁韓善謔

阮孚機辨

門人還謔文公

大小鬍孫

真父戲馬默

李彥古謁刺

禹玉贈介甫風頌

王雱答獐鹿

傅正無心絕慾

真父隱嘲諸帥

開卷一笑集上卷之一

卓吾居士李贄編集

一衲道人屠隆參閱

山人詞 并白

吳門生

說山人話。山人身著行衣。頭戴巾。弗肯閉門家
裡坐。肆多多。在土地堂裡去安身。土地菩薩看
見子。連忙起身。便來迎。土地道。吓出來。我只道
是同僚下降。元來到是你。個些光斯。欣唳弗知。

是文職武職。咦弗知監生舉人。咦弗知是糧長。斗級。咦弗知是總書老人。咦弗來裡作揖。畫卯。咦弗來裡放告投文。要子闕闕哩介。挨肩了擦背。急逗逗介。作揖了平身。轎夫個個儕做子朋友。阜隸個個儕扳子至親帶。累我土地也。弗得安靜。無早無晚介。打戶敲門。我弗知你爲儂個事幹。仔細替我說元因。山人上前齊齊作個揖。告訴我裡有的親親箇土地尊神。我哩個些人。

道假。咦弗假。道真。咦弗真。做詩。咦弗會。嘲風弄月。寫字。咦弗會。帶草連真。只因爲生意淡薄。無奈何。進子法門。做買賣。咦吃個本錢缺少。要教書。咦吃個學堂難尋。要算命。咦弗曉得個五行生尅。要行醫。咦弗明白個六脉浮沉。天生子軟凍凍介。一個擔輕。弗得步重。弗得個肩膀。又生子百勞。勞介。一張說人話人。自害自身。個嘴唇。算盡子個三十六策。只得投靠子個沈家裡山。

人陪子多少個蹲身小坐。吃子我哩幾罇煮酒。餽餽方纔通得一個名姓。領我見得個大大人。雖然弗指望揚名四海。且樂得榮耀一身。嚇落子幾罇。就眷聳動子多少鄉鄰。因此上也要參。參見佛。非是我哩無事入公門。土地聽得個班說話。就連聲罵道。個些寫說個猢猻。你也忒殺膽大。你也忒殺惡心。廉恥。喚介掃地鑽刺。喚介通神。我見你一掏進一掏出。袖子裡常有手本。

一個上一個落。口裡常說個人情。也有時節詐別人酒食。也有時節騙子白金。硬子嘴丫了。說道。恤孤了仗義。曲子肚腸了。說道。表兄了舍親。做子幾罇。腰頭恁餽。難道只要鬧熱個門庭。你個樣瞞心昧已。那瞞得灶界六神。若還弗信。待我唱隻。駐雲飛來。你聽聽。笑殺山人。終日忙忙。着處跟頭戴。無此正。全靠虛幫襯。唻口裡滴溜。清心腸。墨錠八句歪詩。嘗搭公文進。今日胥門。

接某大人。明日閻門送某大人。山人聽子冷汗淋身。便道土地忒殺顯靈。大家向前討介一卦。看道阿能勾到底太平。先前得子一個聖筮。以後再打子兩個翻身。土地說道。在前還有青龍上卦。去後只怕白虎纏身。你也弗消求神請佛。你也弗消得去告斗禳星。也弗消得念三官寶誥也。弗消得念救苦真經。我只勸你。得放手時。須放手。得饒人處且饒人。

真若虛傳

數學生

濠城有先生真姓者。名實。字若虛。別號竹心。少年業舉子。遊黌校。好俠多盂簪。頗有季良之風。然性拙且疎懶。往往輕施見逋于人。值數奇。中途遭蹶。繼有回祿之變。家遂落。親友無可附者。乃訓蒙爲糊口計。時年半百矣。嘗作一詩以寄慨云。衰年底事入書囚。贏得蕭蕭兩鬢秋。名利盡成蕉下鹿。生涯何異雨中漚。鳶蘿落落情難

繫未忝離離恨未休。回首桑榆猶未晚。不妨再
 整舊風流。其為師也。不外飾。不徼名。不事宴遊。
 事以稱食。務期無愧於心。如煨榾柮。無驀地燒
 天之焰。雖歲杪猶夫春初。一有恒而已。先生喜
 博識洽聞。但性耿介不容物。語心術則若重門
 之洞開焉。以故每見禮於士君子。而不滿於匪
 人。先生亦初不以為意也。鷓鴣一枝。鸚鼠自飽。
 屢空若懸罄然。先生則怡然自得。暇則託諸吟

咏以自娛。曾有夕陽回首連錐盡。一點靈臺自
 有天之句。亦不自知其為貧也。一日有感。嘗作
 一詩以自嘲曰。二三童子苦相依。身入樊籠不
 得飛。精力一生徒自費。修儀卒歲亦云微。盤中
 苜蓿常時見。門外風光總不知。世上萬般皆上
 品。看來只有訓蒙低。節屆清明。出郊散步。見花
 柳爭妍。禽鳥和鳴。陡覺興盡。日書囚之感。偶見
 二童子肩挑野菜。行歌互答。先生嘆曰。吾弗如

也。口占一律云。花雨初晴淡淡風。尋芳曳杖畫橋東。韶華幾度塵囂裡。事業平生煨燼中。舉目忽驚春水綠。傷心忍覩夕陽紅。年來兩足多醫索。爭似行歌賣菜傭。前望曲堤流水。半揜柴扉。有一美人。輕盈弱質。俊雅芳姿。倚門而望焉。先生至則迎拜之曰。相公何來。若素相識者。先生正不知其故。詢之乃一妓者。姓何名韞玉。遂邀入蘭房。粉飾極其精麗。圖書四壁。皆名公筆也。

先之以苦茗。繼之以香醪。饌羞具。且甘旨。結之溫潤而栗然。可愛可親。不啻劉阮之入天台也。先生贈之以詩云。流水橋西半掩扉。有人如玉自含輝。笑看明月為歌扇。醉倚閒雲作舞衣。金谷潛隨珠比綠。昭陽不與燕爭飛。懸知善價還須待。此日何妨識者稀。與之論談。且深語文墨。先生羨曰。人生世間。如輕塵弱草。不過欲圖快樂耳。如卿者。朝寒食。夜元宵。一生受用不盡。

韞玉愀然答曰。儂家道路下賤不必言。然非巧言令色不足以動人。非貪昧隱忍不足以容人。非隨波逐流則亦不足以羈縻人。吾性質直。每與此相反。是以不免鞍馬冷落耳。先生首肯者數四。嘆曰。何其言之曲而中若此哉。因賦一詩以自遣曰。自分荒齋一角巾。也於佳節作遊人。關情月上河橋柳。拂面風來紫陌塵。白髮何妨悲蹇拙。紅顏却亦嘆沉淪。天涯流落知多少。司

馬青衫濕淚痕。韞玉始知先生乃為先生者。說曰。吾聞為師者。開絳帳坐臯比。立雪坐春風者。敬之若神。今胡為乎發此嘆也。先生曰。不然。師有大小。時有遇不遇。余豈若是儔哉。余惟集左右生徒數十輩。內多幼小無知。冥頑不靈者。記曰。善學者師逸而功倍。不善學者師勤而功半。功倍者不以為多。功半者輒以為少。莫知子惡而亦不自揆其既廩之不稱也。韞玉曰。如公言。

何不舍之而他適耶。先生又以內顧爲憂。不能
涉遠爲辭。韞玉亦作一詩以慰之。云。伏生垂白
尚窮經。芸館優游莫厭清。俗子胸中三窟計。達
人身外一毛輕。借巢鳩亦常嫌拙。近寺人多弗
重僧。君去思君應不少。當年何武未知名。先生
改容謝之。相與携手同行。遙望前溪。忽見畫船
簫鼓。泊於綠柳陰中。一人冠裳甚偉。縱步前來
適值先生且喜且愕。乃與先生同筆硯者。姓白

名造。號空菴。作倅饒州而回。先生與敘寒暖。洗
盞更酌。因備述感傷之故。空菴曰。天下事卒多
類此。吾以直道不容於時。故有此歸耳。亦賦一
律云。灰心不復羨浮雲。解組歸來日未曛。自分
國謀非肉食。由來身累嘆紅裙。交情久爲風塵
隔。邂逅相親笑語溫。薄有硯田君莫訝。行看菴
李遍河汾。先生笑曰。只恐荆棘多。菴李不能長
耳。坐中咸爲之撫掌。又有一人乃空菴內弟。隨

伴而來者。嘆曰。有是哉。子之言也。吾乃接商者。流耳。客有尊卑。貨有美惡。每將高以就低。吞聲而忍氣。稍有不順。則將轉而之他矣。先生默然者久之。又曰。余未館時。嘗靜養僧房。閒遊道院。慕其清逸絕塵。僉曰。公殆未之知乎。出家人清苦莫甚。且非小心謹慎。不足以安其身。自今觀之。清苦同。而逍遙拘束不同。小心同。而幽閒煩劇不同。謹慎同。而一安樂一受氣。又爲不同。爲

僧道者。所謂出家

家爲師者。所謂在家出家

者乎。空菴嘆曰。如子言。信知天下事不平者不少也。先生又口占一絕句云。乘暇携筇一賞春。相逢盡是不平人。浮雲世事多翻覆。一笑何須認假真。吟罷。屈伸一覺。乃是一塲春夢。東方既白矣。先生笑曰。茲非晝之所爲有感而然乎。霍索披衣。仍入書館。甘心無悔焉。庭前植佳卉數種。可爲玩物適情之一助。至晚。生徒散去。主人

進酒夜坐。先生三杯後。又成一律朗吟曰。日把詩書訓爾曹。中心樂此不爲勞。閒來庭下怡佳卉。興到牕前賦綵毫。自揆此生無俗累。更多向晚有香醪。農工商賈皆辛苦。還算教書一着高。

屈屈賦

啓蒙子

屈屈復屈屈。仰天難訴乖造物。人皆讀書遂榮顯。我何讀書成抑鬱。嘆息青春十八時。努力好教書與詩。初心爭謂教書好。我何教書無盡期。百歲光陰能幾何。在家日少離家多。春初倏忽赴東館。歲暮欲歸成蹉跎。今年已過復明年。冷甃青氈皆坐穿。寂寥一飯小牕下。冷淡三盃孤燈前。先生道學徒自尊。主人供膳何曾聞。但願

先生不飲酒再願先生不如暈先生更莫出門
走出門又恐逢親友友人不覺尋訪來欲見主
人如泄柳先生只得坐憂悶不想虛名依本分
有時散步舒精神本分反爲輕薄人愚頑之子
功難成晨昏費盡千萬情河東獅子反不足撫
兒隔壁高聲爭先生一日纔放寬主人責備無
交歡鴻門豈惜白玉斗大市欲掛平天冠主人
自此無相容先生踉蹌須下功一經授人如澈

屣遺子黃金難開封物薄禮輕微束脩受之便
作無罪囚身不高飛遠入籠魚不遠躍輕吞鈎
束修况復多虛花粃穀腐米如丹砂輸官償債
兩無用此物如何得養家先生此屈何可當天
覆地載空昂昂青天萬里在何處十年空對槐
花黃白雲滿目鴈南飛青山落日子規啼高堂
白髮望甘旨室內空遺爽李姿七情不許隨我
身五味雖憶由他人誰能問我接浙行誰能問

我居擇隣。男兒讀書當富貴。富貴不來須自致。
良辰美景。夢中過賞心。樂事愁裡度。問君有才。
既有德。可攀龍鱗舞鳳翼。麒麟高閣圖功臣。黃
金置閣延上客。問君無德。既無才。爾可田園歸
去來。白雲空谷桂花香。秋風江上芙蓉開。問君
二者既不爲。囊琴匣劍將何之。川源遠近皆可
樂。漁樵耕牧隨所宜。漁者無榮亦無辱。日日扁
舟共妻子。得魚換酒醉復醒。欸乃一聲多不理。

樵者無憂安與危。利斧曉出行歌歸。未雪先防
隱薜蘿。迎暄已得眠。蒹蘆農人。有事在南畝。耕
鑿朝朝兩夫婦。養子教孫衣食足。頭白何曾識
官府。牧童有樂人不識。臥牛背上由朝夕。南村
北村烟雨歌。二聲兩聲風月笛。漁樵耕牧俱有
樂。不在天祿不在爵。早知教書反不如。絳帳皐
比。永忘却。反思祖宗有薄田。簞瓢陋巷三四椽。
布衣。醴粥尚消遣。一家骨肉常團圓。先生先生

王先生可憐三十名未成。床頭金盡多憔悴。風簷寸晷難爲情。東君東君如若識。先生素抱榮華質。鸞鳳固非荆棘棲。蛟龍豈是池中物。屈屈歌寫不盡。今情何多。街頭一時紙價貴。墨池蘸盡春水波。君不見鍾子期相逢遲。高山流水憑誰知。又不見孟嘗君。天下賓客徒紛紛。先生就此爲君別。收拾清風與明月。誰能聽我彈鋏歌。吾輩豈是蓬蒿列。

長恨歌

姚江老人

月啓更殘。漏聲斷續。萬事驚心。眠不熟。仰面望天。天未明。側耳聽。雞雞正宿。舊愁新悶。不可禁。起剔銀釭。訴衷曲。少年胸襟。天地寬。精神志慮。超凡俗。百工技藝。不屑爲。萬卷詩書。勤苦讀。讀書望登天子堂。豈知讀書成勞碌。數年流落江湖中。江湖世事多蕭索。一身去住由主人。三餐茶飯由奴僕。寂眠孤枕。夢魂寒。冷落書齋形影。

獨放蕩猶恐玷儒風。常把身心自檢束。身如無
罪囚。落在無罪獄。利覓蠅頭不可言。弟子愚頑
難教育。幼者年方十二三。長者年已十五六。未
識讀書滋味深。一心思要顧鴻鵠。拘縛矩度嚴。
護短不容加鞭朴。撫育少功程。又責先生才不
足。此情此苦訴與誰。長歎一聲自藏蓄。我思家
有數畝田。勤耕可以供飢粥。我思家有數株桑。
養蠶可以供衣服。牆東有枝和靖梅。雪裏花開

香馥郁。堦前數莖濂溪草。雨中葉茂齊腰綠。池
中可養化龍魚。庭前可栽栖鳳竹。既有一所舊
書房。又有數間茆草屋。堂上有親壽可祝。室中
有女顏如玉。愁來酒一壺。閒來棋一局。坐臥得
自由。進退無拘束。散散誕誕過一生。何必衣紫
腰金食天祿。嗟我功名心性酷。飄然未肯退林
麓。丈夫有志事竟成。窮途何必吞聲哭。大舜未
登庸。深山伴麋鹿。蘇秦未封侯。曾受妻嫂辱。我

有志冲天。我有書滿腹。文章壓倒呂東萊。詩才
不讓黃山谷。啄啄獸中麟。琅琅石中璞。海底神
龍不久潛。廐中良馬豈常伏。嘗聞韓呂儔。出入
更爲僕。又聞百里奚。將身自秦鬻。馮驩長鋏不
須彈。郭隗之屋終日築。我歎長歌非口才。吐出
胸中愁萬斛。興來揮筆寫長歌。書盡如天紙一
幅。長歌賦罷膽氣豪。叮嚀重爲主人囑。主人聽
我囑。叮嚀。世事如碁如轉軸。冷地傳臚報一聲。

天下英才皆刮目。

捲堂文

蒙求子

學以治生爲先。不可無謀食之計。師以淑人爲
 貴。尤當嚴衛道之防。慨自世降而風微。遂致道
 衰而日甚。倚門糊口。效彈鋏之馮驩。寄食資身。
 同垂釣之韓信。一金雖甚薄。況首於濁富之門。
 百里敢辭勞。委身於不親之地。視生徒猶骨肉。
 遂棄子。與拋妻。以館舍爲福堂。遠離鄉而背井。
 去時動經累月。不道歸遲。來時未及半旬。却嫌

久滯無枷無鎖實爲自在之囚不啞不聾化作
痴呆之漢巧其言善其色獻諂何異於卑微禁
則止令則行奉命實同於輕賤東人事機渾未
解遠稱爲聖爲賢書生文理但粗通包渠發魁
發解習成便佞巧裝百樣溫存抖出寒酸盡露
千般醜態毛錐將安用直須曲意徇人文章難
撩饑只得垂頭喪氣事非由我辜負雪月風花
身屬他人受盡醜酸冷淡幽暗岩崖生鬼魅燈

火未來時淒涼境界憶家

生歸去後濃霜

染鬢韶華多向苦中過烈火燒心家事盡從忙
裡辦雖春花爛熳何從金谷遨遊秋月光輝無
暇瓊樓賞翫炎威似火宜避暑偏說道心定自
然涼冷氣如水當向火却教我冷來休要動他
惱時言語不遜沒奈何忍耻含羞我餒時茶飯
未來只得擔饑受餓七情未得從吾願十年只
替別人忙行坐皆在人前分明是上賓模樣志

氣。落。于。人。後。其。實。是。未。等。生。涯。總。然。覓。得。一。兩。
五。錢。怎。補。得。千。倉。百。空。徒。使。斯。文。掃。地。豈。知。富。
貴。在。天。幾。番。欲。發。憤。辭。歸。受。不。過。儒。家。清。淡。若。
待。要。屈。志。且。留。當。不。得。客。館。淒。涼。捱。止。歲。終。時。
候。益。增。悽。慘。情。懷。館。童。落。落。似。朝。星。半。明。半。滅。
門。弟。悠。悠。如。夏。燕。自。去。自。來。向。闈。房。樂。爾。妻。孥。
那。管。你。黃。昏。獨。坐。拉。賓。朋。儂。爾。邊。豆。豈。念。我。終。
夜。孤。眠。誰。人。效。立。雪。楊。游。何。處。尋。浴。沂。童。冠。雨。

灑。書。牕。聲。淅。瀝。打。破。歸。心。風。吹。紙。帳。影。翩。翻。驚。
回。旅。夢。算。功。課。論。長。說。短。欲。訴。無。門。討。束。修。指。
東。話。西。要。歸。不。得。反。不。如。操。瓢。丐。者。乞。餘。播。郭。
沒。憂。愁。怎。學。得。捧。鉢。道。人。笑。傲。烟。霞。無。管。束。農。
工。商。賈。莫。非。人。奚。必。教。書。爲。業。城。市。鄉。村。皆。有。
利。何。須。處。館。營。生。戴。天。履。地。真。男。子。不。思。展。驥。
足。千。里。馳。驅。博。古。通。今。大。丈。夫。爲。甚。戀。蠅。頭。一。
生。籠。絡。從。今。奮。翼。定。令。飛。過。愁。山。及。早。回。頭。還。

好脫離苦海。撥開雲霧。超凡界。再覩青天。剖破藩籬。即大家。安行坦道。且去乘龍。朝帝闕。莫教騎馬。傍人門。勉作捲堂之文。永白處館之戒。

村學先生自敘

青蘊生

利欲驅人萬火雞。世途擾擾幾歡悲。謾言富貴書生分。誰解青袍悞老儒。小子不是別人。乃是村學堂中。一個先生是也。每憶少年時。通今博古。焚膏繼晷。牕前勤苦十年餘。學成文武藝。幾向棘闈。酣征鏖戰。龍門點額。暴腮。爭柰命途多舛。時運不齊。避曲江之車塵。無長門之際會。因此。上田園廢盡。身口不支。正是空餘文字三千。

卷一第...
財之無資。工焉而巧之不素。丐焉而面之無皮。徬徨三思。不知所之。記得古人有句話。財主敗落。便教書噫噓。噓。噓。噓。師道之來久矣。你看那孔仲尼立數仞門牆。開儒宗於春秋之際。孟子負巖巖氣象。演道學於戰國之時。河汾說教者文中子。斗山瞻仰者韓退之。以至歐蘇吳邵。及乎周程張朱。浚洙泗之源流。廣伊洛之支裔。師道尊

斯文熾。真足以啓天下之仰慕。俾學者之依歸。道學之盛。於茲極矣。嗚呼。物隆則替。器滿則欹。天下之常理。你看那教化日降。日下。風俗日澆。日漓。吾輩既非前輩。今時又非古時。福祿古人收去。今人是還債的東西。小子村學堂中。坐了幾載。其中滋味。果是孤恓。人誰無父母。父母如天地。我的父母。倚盡了王氏的門廬。人誰無兄弟。兄弟本同氣。我的兄弟。冷落了姜家的布被。

嬌嬌嫡嫡恩愛的夫妻半拋半離長夜守着空
空的帳子兒兒肉肉親生的男女無倚無依鎮
日看那白白的庭闈自家日常看着幾個書生
羈羈絆絆與犯罪囚徒無異年終算着幾担束
修多多少少與顧工常行不殊吃了無數的冷
冷熱熱那飯碗柰了幾多酸酸澁澁那酒卮接
人家親友小小心心猶恐怠慢了賓客叫人家
奴婢哥哥嫂嫂猶恐忤撞了那厮開口教書人

便拾着句讀動手改課人又議着高低記問偶
不到村夫也要盤倒奇字倘不識小子也索吃
虧又有一般難處的事務正是擔輕又不得步
重又難支課少了主人嫌懶惰功多了弟子道
難爲有一箇苦切的時節正是書生歸去後燈
火未來時冷冷清清無人管待昏昏黑黑獨自
支離有一個主人膠柱鼓瑟棋不用着詩不許
題庭無花卉作樣架無經史做媒誰管你神疲

意倦誰管你晝永夜遲好苦也教我怎消遣過
得日兒有一個娘子清奇古怪茶又故晏飯又
故遲座上青氈既薄爐中獸炭更希誰知你身
寒脚冷誰知你口渴肚饑好苦也交我怎熬煎
過得夜兒有一等學生強頭掘腦教東做西無
廉無耻說是說非人家內眷又護痛東道又不
知雖有朴作教刑交我也難施身子裡好似嚴
姑手裡無緣的媳婦踽踽涼涼拘拘束束一星
星要循規矩又似晚母身邊失愛的孩兒孤孤
悽悽怯怯虛虛半點兒不敢差遲有所言必議
之而後言誰許你亂嘈亂雜有所動必擬之而
後動誰許你胡做胡爲步履必安詳居處必正
靜誰許你懈懈怠怠衣冠必肅整容貌必端莊
誰許你離離披披茶肆酒肆昔日那慷慨高情
到此來滿將拋棄偷香竊玉少年的風流狂態
從今後一筆勾除學兩分痴呆纔可誦人歡喜

執一。味勤緊。方得免人淹咨。師翁之禮甚嚴。不
 可一日放曠。賓主之間不易。能保一世歡娛。且
 是那春三二月。山青水綠。孰不提着壺。拏着盞。
 酬着佳期。我獨守其空齋。只落得昏昏悶悶。秋
 九八月。更長漏永。孰不扱着妻。挽着兒。卒着殘
 歲。我獨拳其空床。無柰何。縮縮。悽悽。大六月內
 暑。鑠金也。須要戴着帽。披着衣。穿着那布褲子。
 管着那暑襪兒。熱烘烘。誰知淹得我肌膚。酸臭

怎能勾得浴乎沂。風乎舞雩。三嘆咏歸。十二寒
 頭凍折膠也。須要把着筆。描着硃。坐着那冷板
 凳。踏着那冷地皮。陰水。誰知凍得我鼻涕。淋
 漓。怎能勾亨黃雞。酌村醪。醉倒玉山頽。千般苦。
 萬般悲。小子非是不知。業在其中矣。可憐這村
 學堂裡。埋沒了多少高才的漢子。枉屈了多少
 絕學的男兒。苟有丈夫之志氣者。豈可依依於
 斯。寄語天涯海角。青氈客子。規聲裡。自深思。



阜羅袍帶排歌

枉了通經博史。可堪的家廢。只索教書。為因此
少飯和衣。無端牕下。閑愁氣。也曾每食設醴也。
曾彈鋏無魚。也曾東南盡籌。也曾桃李乖違。甘
酸苦澁俱嘗至。合寒共暑。飽共饑。自家心事自
家知。言與行。動與移。受人拘束受人虧。

旅食朱門甲第。未能勾願脫。只索到底。雖然各
分是賓師。也須步步循規矩。何曾懽歌沉醉。何
曾舞劍敲碁。何曾樗蒲博戲。何曾寫畫題詩。風
花雪月俱拋棄。合寒共暑。飽共饑。自家心事自
家知。言與行。動與移。受人拘束受人虧。

倘或遇親喪。絲銀折帶帛。百慮更千思。猛省一
妙訣。鑽求好心腹。婉款通媒妁。容男拜下風。聘
金先三百。容女侍衾枕。妝貲盈箱篋。無論假和
真。那管疎與戚。何嫌被紙糊。但愿忝眷末。八節
及四時。奇新美品物。走趨或那移。惟命罔敢逆。
偃蹇遭官非。倚仗爲泰岳。好的存體面。愴惶探
消息。下筆正修書。沉吟挑不得。必須幫一箇。這
是小拆拽反的起花頭也。與問顛末。方纔講得

開卷一笑 卷之一
過。搖首嘆週楚。除非親去見。欲言又自訥。更或
辭不諧。必須現豁豁。歸取孔方兄。將來乞笑納。
輪飯悉乾質。僕從要加一。今日細追思。往事空
跋跋。費錢不救急。買得名尺蠖。嗟嗟我何如。看
破爲豪傑。

幫閒賦

司風使者

咄嗟世道寢衰。時事變易。舉世好奉。斯人獻諛。
豈料遊手遊食閒徒。竟是坑人溺人厭物。脫空
爲業。奸詐萬端。美俏爲生。賤昧百出。方相扳爲
從叔。豐邑認爲祖基。借居不過一間。寒舍道連
數巷。墳地毫無半畝。薄田說跨幾鄉。蹴爾乞人
不屑。彼固恬然。躄爾行道。勿受渠則安矣。乍會
間。小心惟恐不及。久處後狡獪漸覺有餘。鵝鶴

子旺邊飛比方切當坑缸蟲鬧裡鑽譬喻精詳
捧屁掇臀酷似擲梭之鳥捋鬚飮嘴儼如竊食
之猫自暮及朝吃的這七件都非已物從頭至
尾的那一樁出自本貲掠美市恩相知間開
開懷飲壺酒借花獻佛舍親處歇歇脚待杯茶
賃領闊襪單衣強裝飄逸借頂稀驥長帽恍學
時新肩項本平故意竦高三寸額頭非礪闕動
轍踵銑前幾分一味露天人情獨行着水官話

調書袋爲飽學打市語爲奇談撒漫則曰夥家
人擴充則曰店裡貨叫混名忙應不敢不敢施
長揖連謝夜來夜來順人機妙妙妙呵呵拍手
迎人意是是是嘖嘖顛頭止沸轉添薪這壁廂
火燒熱竈墮井復下石那壁廂冷語水人好氣
質老趣徒愛云則愛蠢東西真滯貨憎云則憎
劈面勾人笑容撲堆着巧笑冷笑強笑千般笑
回頭伺人愁臉頓翻作新愁舊愁閒愁一片愁

潘安貌。司馬風流。贊得人心快。子建才。石崇富貴。騁得名。高捨命叨陪。竟晨昏。愈加精采。要功不。大寒暑。敢惜勤勞。綽轎執鞭。曰我小人。自當承受。揩檯抹筯。云大。每不。勞動煩食。必先嘗。揀精肥。種種色色。衣得無薄。問寒暖。雨風風。狗吠鷄鳴。樽俎上。無般不至。鶯聲鳥氣。斯文前。靡所不爲。繡鬼臉。弄神通。拗曲作直。咬大指。伸長舌。搬是掠。非和戲子。謳歌腔調。扇底伴。

娼家擺溜。紙製襖中。妻妾恠顯者。不來道。正是忘形結納。路傍詫那人。何往。矜不。瞞知己。見招朝事無關。寫說南北官。員誰陞。誰降。字義罔曉。浪評唐宋書畫。某假某真。出口雌黃。潛攪破一團和氣。撐胸才戟。穩包藏。滿面春風。閒時指東話西。臨境移南換北。任傍人排比。佯托痴聾。與同輩爭光。竭其揜把。生人前。曬眼我怕誰。我仗誰。希罕誰。私地裡。結交我吃你。我着你。全靠你。

種金鐘。綽摸些閒頭腦。跌竹碗。勒指些小便宜。
受賄賂。暗詭寄些田產。會復徼。強把持些行市。
說事過付。往往開私門。釘鬼門。立契作中。每每
伸後脚。拆壁脚。起發件骨董。駕言小女喜歡頂。
獻枰肥鮮。定道山妻。餽饌。訊其經紀。舉手加額。
仰靠龍天。問及閨闈。齟齬。摧肩託賴。洪福打聽。
幾家新妓。極稱蘇小之嬌。尋綽一箇圍童。偷道
宋公之美。千擗。掇萬擗。掇陪走。一遭你贊襄。我

贊襄。請來一會。打鰓舖。聽梆聲。心扶曳。曳說真
方。賣假藥。嘴薄。囂囂。吃盡泰山。剛腸似鐵。味縮
乾腦髓。利口如刀。良家子弟。爲彼傾囊。見不得
六親骨肉。遠路客商。因他折鈔。還不得千里家
鄉。風裡絮。畢竟沾泥。鏡中花。如何結果。猛見利
盡交疎。一時星散。可憐人窮智短。百憂蝟生。畫
餅不充饑。望梅徒止渴。蚤虱故相惹。蚊蝸能相
親。妻蓬頭。子垢面。無復人形。瘡遍體。病纏身。埋

寬。狗。命。冷。蕭。蕭。離。攤。壁。倒。難。支。持。門。戶。伶。俜。極。
離。離。舊。襪。破。鞋。聊。學。補。身。材。狼。狽。竊。取。東。鄰。子。
昂。帖。換。得。米。幾。升。拐。來。西。舍。右。軍。書。抵。得。柴。幾。
束。某。老。某。老。誰。復。使。人。來。幾。官。幾。官。無。心。念。君。
矣。回。視。曩。昔。殊。覺。差。池。舊。情。付。與。東。逝。波。新。詞。
聽。唱。西。江。月。

○笑我一生土苴。羅鮮博來半世紛華。舌耕強
似種桑麻。風月趁人瀟灑。○嘆自豪門失脚。難

嗟嗟說

嗟嗟勢利徒。方寸勞且拙。會見勢利人。疾忙聚
情節。脅肩并諂笑。奴顏與婢膝。次日即踵門。據
然下請帖。掃舍潔豆觴。斗膽莫見卻。依期幸寵
臨。震驚如霹靂。梨園倩一夥。獨卓盛排列。湯饌
親進承。奔走如電掣。搬得半本戲。顯者欲返轍。
兩手若張網。甜言有換席。強邀復進坐。歡喜動
聲色。子弟頻勸酬。只少出妻妾。酒闌無不散。計

窮心未愜。喃喃道之。殺喋喋云。簡囊隨行。到乘輿。猶自不忍別。作揖袖露泥。打躬肩過睥。回身覺困倦。臥房少安息。終夜不成眠。專等五更撒。鷄鳴卽抽身。逢人便誇說。某科某舉人。是我好相識。某科某進士。是我久交結。忽朝遇諸途。不勝其斛觥。衣裳抖一抖。巾帽捺一捺。緊緊又雙手。匆匆站街側。因他問一聲。鞠躬不敢直。見他手一拱。額頭着地貼。風聞些小事。流水送盤盒。

禁隨巷啼

妻兒哮喘趙枝花。只磨清寒。鼈寡。

賭博賦

覺迷迂叟

有志之士。惟親簡編。無籍之徒。專事賭錢。圓若
骰盆。靜極而方。方若骰子。動極而圓。紅四絢爛。
金么鮮妍。錢財盈諸袖裏。籌馬推于案前。習之
者如醉如夢。愛之者如痴如癡。引類呼朋。如鶻
鷂之喚友。貪前失後。如螳螂之捕蟬。六塊臭狗
骨頭。今玩之如白璧。一幅破蒲席。今臨之如
綺筵。雙目轉動。今如兔如鶻。寸心狠毒。今如狼。

如鷓。夏日炎炎兮。或終朝而廢食。寒風烈烈兮。或徹夜而忘眠。坐處豈分于高下。來時不論乎後先。街市小人。每齊行而並列。屠沽下賤。咸執袂而拍肩。一擲二擲兮。奚啻數十。三開四開兮。直至百千。口則呼盧而同喝噪。手學坐六而不輕便。雙足冷如水濕。一心熱似火燃。幸或一勝兮。如遊蓬島。片時閑暇兮。若坐針氈。此乃牧猪奴之戲。殊非成家子之緣。孰云劉毅之曠達。安

得袁耽之精專。或技藝之輩兮。終身喪其職業。或賈肆之兒兮。何心坐于市廛。豪客奢迷。亦易盡千金之產。富翁放縱。也難留數頃之田。矧輸財之速兮。何異瞬目。嘆反本之難兮。誠若升天。走入場內。便需茶索酒。回到家中。乃斷火絕烟。妻號寒于臘日。子啼饑于豐年。徒能向惡。安肯親賢。一被賻徒之蠱惑。如遭痼疾之纏綿。有錢費之殆盡。無藥療之可痊。若偶出而邂逅。卽到

處而流連。非假他人之課債。卽竊妻子之釵鈿。或貫鈔之爭差。今遂成反面。苟分文之較計。今便欲揮拳。晝則神魂之飛蕩。夜則夢寐之倒顛。每侵晨而早出。至薄暮而未還。使老母倚門盼望。今愁懷戚戚。嬌妻守室躊躇。今憂心懸懸。上焉負教育之恩義。下焉乖伉儷之嬋娟。論生意。今連年杜絕。詢家計。今逐日遷延。看其行止。今誠不足齒。見其窘迫。今又何足憐。刑律禁之而不弗畏。父兄詔之而不悛。廉耻喪之盡矣。禮義曷嘗有焉。醜行人人而憎嫉。惡名處處而流傳。有子而誰與匹配。無妻而誰結姻媿。卒致一生之貧困。永爲百歲之屯遭。不耕而無粟可爨。不織而無衣可穿。蓬門挂蓆。敗壁無磚。居食恒遭乎缺乏。性命亦難乎保全。千般苦楚。萬種憂煎。問何爲而至此。因賭博而使然。達人君子。幸監斯篇。

附錄一 卷之二

三

訟師賦

覺迷迂叟

世道衰而爭端起。刁風盛而訟師出。橫以虎狼之心。戀以溝壑之欲。靠利口為活計。無田而農。倚刀筆作生涯。無本而殖。閩人爭。痛心激忿。揚人惡。刺骨撫誣。媒孽事端。妄相告訐。聯聚朋黨。互計舞文。閥閱婚姻。却被他交構一番。遂違秦晉之好。公平田土。怎禁他調弄百出。便與鼠雀之詞。搬闔兩下相爭。則證事指時。捏就打傷人。

附錄一 卷之二

三

上

命離間同氣失好。則以虛爲實。裝成吾古家私。最怕太平。惟喜多事。寫呈講價。論事體之重輕。做狀索錢。看機宜之大小。或起稿於草。紙纔錄。過紛紛扯碎。以滅其踪。或草創於白。牌一騰完。急急洗去。以泯其迹。價高者。百般裝艷。務求聳動乎官府。價輕者。一味平淡。那管埋沒了事情。顛倒是非。飛片紙能喪數人之命。變亂黑白。造一言。可破千金之家。脫值燕閒。輒思釁禍。撈得

浮浪尸首。奇貨可居。緝着詭寄田糧。詐袋在此。結識得將危的大盜。囑他攀扯冤家。密密裡暗栽大罪。畜養箇久病的老兒。攙渠跌詐富室。白地結起深冤。設使對理。則挽硬幫。見証將無作有。假令講和。則傾低銀首飾。弄假成真。律條指掌可陳。誥令隨口而出。奸富訟興公室。盛價聘致私堂。茶罷開言。卽鼓掌而歡笑。曰。老翁見甚妙。甚妙。吾輩真個不及酒闌定計。乃側。

而沉吟曰。學生愚意。這等這等執事。以爲何如。美兵刃於尖唇。伏機鋒於禿管。以院司爲衣鉢。陸地生波。藉府縣爲囹圄。青天掣電。倚門賣術。常重富而輕貧。踵市獻壽。惟害人而利己。朝來利在於趙。乃附趙以斃錢。晚上利在於錢。復向錢以背趙。操縱如提木偶。反覆若弄嬰兒。又能餽李客之言。送於張氏之耳。復探張氏之說。悅乎李客之心。及其彼此構讐。原被結訟。因而攬

攬行財。於中侵剋。使用剛傑之輩。希圖決勝。則進囑托之謀。說事處。往往各半均分。愚弱之徒。但欲苟安。則獻買和之策。交財時。每每十而取七。乘打點市恩。阜快趨。請求結好吏書。甚者官府未審。而供稿已成。對理未經。而罪名先定。倘然幸勝。則曰非人力。不至於此。偶爾問輸。則曰使神通。其如命何。奸邪未伸。狡猾復肆。或造不根謗帖。遍傳四處。以爲中傷之階。或捏無影訪

單計聞上官以賈滔天之禍卒致報復相尋家不可保。冤仇世結身亦難容。妻怨嘆於房幃。貽恨罔極。子放蕩於閭里。流禍無窮。彼方踞華屋。被文繡。猶懷虎視之心。孰敢批龍鱗。撩虎鬚。聲彼通天之惡。境內畏同蛇蝎。便是窩賊贓。鑄私錢。相戒閉口。里中敬如鄉宦。因而結婚姻。勤讌會。始得安身。至於惡貫既盈。法網難遁。或徒三年。或徒五年。未幾計挾驛官。無奈放回故土。或問充軍。或問爲民。中途威脅解子。只得隨漂鄉。故欲興仁俗。教唆之律宜嚴。若挽頽風。理筆之流當逐。謹臨風而作賦。冀電覽而留神。

開卷一第...

...

夜兒傳

王禮

兵興荆楚沔為藪戶口十餘萬富積寶貨男子
從征戍家居者率婦女媼婢也有皮工蔡姓者
出陰計縫虎皮為衣手足着銅距長二寸許遇
夜匍匐而行若真虎也踰垣墻破門闢婦人女
子悉駭怖竄逸惟身之不免是憂牲畜無論矣
即奇貨重寶盡委之惴惴不敢睇視以為神虎
也一郡相謂曰今之財物非悖致者乎皇天降

開卷一第...

...

...

罰。因是孽而喪耶。不然。何出入不常。莫能逐也。
蔡繇是日富。盡寘其有於床下。凡三歲不敗。鄰
有袁氏者。家惟妾三人。一日刺豕。蔡市肉不得。
怒。夜蒙虎皮入其室。衆妾遁。頃之。其一妾謂其
二人曰。恐虎去而不畏者。踵入。言室將盡。吾有
也。吾冒死以覘之。緩急汝吾助。遂潛往伺于室
之奧。俄而虎復入。人立四顧。取虎所不取者。妾
抱持之大噉。虎抉其面。躑其脛。妾察有異。抱持
之愈緊。噉二妾。二妾噉四鄰。四鄰集。蔡憂弗免。
褪其皮逃去。腰以下未及褪也。妾以皮聞諸官。
官命大索得之。掘蔡寘室。得虎皮半截。驗之。令
籍其家。坐其孥。梟其首於市。君子曰。世之肆貪
暴以戕害人者。蓋白晝之於兔也。蒙其皮爲姦
於昏夜者。彼知修之。身爲於菟於白晝而弗知
已者。又將誰修耶。始袁妾之未遇耳。世之畏威
俯伏。寧齏粉其身。而不思除其姦者。何智力不

開卷一笑集上卷之二

卓吾居士李贄編集

一衲道人屠隆參閱

懼內經

鴛湖散人

佛說怕老婆經。老婆不是世凡人。他是什麼人。他是天上一座星。他是什麼星。他是一箇黑殺星。白虎星。天狗星。天賊星。天羅星。地羅星。不犯之時猶自可。犯了之時嚇殺人。順則和顏悅色。

眼底生春。逆則風波。當時起平地。起烏雲。花容
變惡貌。那管枕邊人。烏龜隨口出。天殺不絕聲。
捆縛同囚犯。揪髮像門神。拳頭如雨點。脚尖似
流星。碗盞蓋面揪。棒槌搥遍身。麪杖撲頭木咬
杓。不暫停。剪刀來剪肉。簪柄截斷筋。拶指與木
槓。只當是常刑。皮肉紛紛碎。兩膀血淋淋。親娘
連聲叫。開口怒轉增。如此情罪也不當。苦還有
磨難。後頭聽金雞。喔喔叫。慌忙扒起身。面湯與

茶點。色色俱調停。日高三丈起。故意做娉婷。也
不梳頭。也不穿袴。淫興一發作。隨處要打丁。每
日三餐飯。戰戰復兢兢。日昃看看夜。打點聚精
神。羅帳雖同宿。常常着小心。雲雨須終夜。稍喝
便生嗔。隨恨爹和媽。如何誤我身。思量無解法。
竭力儘奉承。要打便打。要跪便跪。要罵便罵。要
立便立。要坐便坐。要蹲便蹲。若有一時弗依得。
宿臭尿盆黃昏頂。到大天明。更有一般最可惡。

不容奉順雙親。老酒時酒吃得醺醺醉。肥雞肥鴨。囫圇吞。數斤肉。數斤魚。煮得半生半熟。不用筋。不用叉。雙手拖來大塊。抗眼巴巴看他獨自吃。也不管父母當養。也不管兄弟當親。也不管祖宗當敬。也不管禮數當行。也不管朋情當好。也不管親誼當殷。只管胡行亂做。那管傷敗彝倫。無奈呼天號泣。驚動天上世尊。世尊坐雲端而爲說法曰。怕老婆者聽吾法旨。汝妻本非人類。乃是狐狸變身。時值疾風暴雨。父母交感有娠。因此備諸惡毒。世上無可比倫。汝緣前世作孽。撞了這箇妖精。啖汝一身骨髓。斷汝一世六親。打罵休言苦楚。還防淫亂醜聲。吾有真言。汝宜拱聽。偈曰

陰陽始判。男女構精。夫婦既合。唱隨禮分。夫爲妻綱。牝雞無晨。胡爲懼內。天道曷存。婦有七出。孔伋已行。要離

開卷一笑 卷之二

苦海。古訓宜遵。

南無怕老婆菩薩摩訶薩摩訶般若波羅蜜。

捐阜旗經

吳山散士

爾時捐阜旗菩薩會集金剛婆。夜叉母。鬼王娘。龜山水母。鬼娘娘等。在于空中。觀見下方城郭。鄉村市鎮。有等婦人。惡口毒舌。打罵丈夫。敗亂綱常倫理。全無四德三從。可惱可惡。可勘可究。隨召當坊土地來問緣由。土地對曰。此等罪譴。各有緣故。有等愚蠢男子。不明理義。不曉世事。儀容醜陋。形象葳蕤。匹配美貌女子。聰明伶俐。

說在人前。話在人後。多條裙子。少頂頭巾。描得
繡得。裁得做得。不遂所欲。毆滅夫主。欲尋私路。
以致如斯。有等男子。貪婪賭博。酗酒無度。因似
猫團。睡似死狗。不與歡會。以致如斯。有等婦人
不遂其欲。生事尋端。一言不合。發憤爭鬪。動輒
投河奔井。爐殺吊死。扒倒烟衝。燒不得。撞穿鍋
底。煮不得。抓破面皮。出不得。打折面杖。敲不得。
關了房門。進不得。不容上床。睡不得。江北河豚

雌個大武則天子。女為尊。皆因男子軟弱。以致
平昔受渠所欺。以致如斯。菩薩曰。善哉善哉。此
等男子。枉為頂天立地無些紀綱。治家不嚴。罰
他北方部下。做個伸頭縮頸六進六出矮波斯。
此等婦人。煞潑。罰他墮十八重地獄。托生來世
盲聾殘疾。跪在十字街頭。搥胸跌脚。叫着老爺
奶奶。皆因前生作業。得此果報。受諸苦惱。奉勸
世間女子。廣生善念。敬順夫主。合家歡樂。作禮

而退。南無佛說。怕老婆。捐阜旗經。菩薩卽說咒
曰。揭諦揭諦。波羅揭諦。波羅僧揭諦。菩提薩摩
呵。
夫五濁之世。衆生作業。種種非一。惟夫弱妻強。
于紀最大。爾時菩薩來自西天。觀鑒下方。不忍
顛倒。因發大慈大悲。說下此經。救度苦惱。世間
此等男子。有能敬信此經。焚香捧誦。久之自覺
膽氣粗壯。口嘴強硬。如遇老婆打罵。臨時默念
必然佛來呵護。此等女人。敬信此經。加于丈夫。
若果誦至百千五藏之後。漸自猛省。雖有暴戾。
可減一半。故佛說經咒曰。是大神咒。是大明咒。
是無上咒。是無等等咒。能除一切苦。真實不虛。
故卽此經之謂善男子。善女人。從今布施此經。
普傳天下。怕老婆之家。各供一本。方便之門。實
無量功德也。尚其敬哉。毋忽。

[Faint bleed-through text from the reverse side of the page]

神授化妬經

如是我聞阿難違佛遠遊遇摩登伽攝入淫席。
執戀不舍。媾為夫婦。摩登伽恃寵驕恣。鉗束阿
難不得自在。治之不可。去之不能。譬如騰蛇制
於卽帶。神馬困於羈縻。世尊願發慈悲。遣無漏
大阿羅漢。憍陳如等。導引阿難。來參法會。觀天
女散花。阿難目不交睫。世尊見其淫心發動。偏
袒喝聲而作是言。阿難爾不聞之。天地定位。陰

陽流行。下躋上降。冲合化生。翕然神感。判然離形。是以天不失尊。地不失順。婦乘夫位。天地顛儀。倒授太阿。自取劊刺。阿難目注成想。想識成愛。愛感成淫。淫通成戀。戀固成迷。迷極成畏。凡夫畏內。其迷有三。一曰色迷。二曰財迷。三曰名迷。燕爾新婚。摩躬接體。如蝶棲花。如蜂啜蜜。含垢忍辱。惟恐傷恩。以致婦惡駭張。縱有剛腸。不可控制。聯婚巨室。百兩將之。金珠羅綺。車馬爛

盈。賸馥殘膏。受其沾丐。含垢忍辱。惟恐傷恩。以致婦惡駭張。縱有剛腸。不可控制。達官臚任。飾詐徼名。惡婦反唇。往往敗德。愷悌君子。鑑其覆轍。含垢忍辱。惟恐聲聞。以致婦惡駭張。縱有剛腸。不可控制。阿難聞佛教旨。汗流浹背。五體投地。叉手長跪。而白佛言。大悲世尊。宣揚慈訓。卽如發蒙。凡夫畏內。亦是業根。宿世姻緣。云何解脫。佛言善哉善哉。色卽是空。空於何戀。朱粉骷

體膿血皮袋爾能諦想。便發雄心。雖有花容。自當棄置。男子墮地。富貴自致。躬耕畝。何藉妻財。未聞猗頓陶朱。亦食內力。爾能諦想。便發雄心。雖有高貲。自當恥視。謹身節行。刑於寡妻。有孚威如。嗃嗃終吉。閨門雍肅。榮問自彰。未聞保名。首於掩慝。爾能諦想。便發雄心。後悔靡追。自當閑始。阿難爾聞。三迷當知。四去。一曰妬。二曰淫。三曰盜。四曰奢。斟酌四去。妬宜首行。不去妬。

婦眷屬不寧。不去妬。婦子孫不生。不去妬。婦門戶不成。不去妬。婦淫亂不經。不去妬。婦鼠盜不懲。不去妬。婦夸費不貞。阿難聞佛教旨。感額擗首。長跪叉手。而白佛言。大悲世尊。夫婦大倫。去非得已。願假佛力。提唱真言。化彼嚚頑。同歸善域。佛言善哉善哉。阿難爾有善心。不忍破倫。惟求默化。吾為汝說。汝當諦聽。乃揮塵尾。朗誦神咒。

瞑目凝睛東邊寥寥犬吠西邊惇惇人聲番來覆去好夢難成看看鐘鳴鼓响聽得一枕鼾聲側耳低頭打聽却像老狐聽水忽聽一聲咳嗽嚇得冷汗如淋幸喜姻緣當合娘行睡思沉沉未敢抽身竟起且自忍氣吞聲出被時做箇金蟬脫殼款款輕輕下牀時做個滄浪濯足小小心心他那裡潛潛等等我這裡悄悄冥冥一心誠如火急怎敢亂踰胡行兩手向前按摸隄防

着撞物驚人不像丐兒討飯也像伯牙撫琴漫自龜回蛇顧又慮螳捕蟬鳴念切艸窩布被那想鳳枕鴛衾霎時餓蠅見血更如虎戀深林柰何雲雨方合驚起了床上天尊高喊天殺亡八那裡狠罵這些賤婢難生也不顧羞羞露出只要扒起急急施行快備拶指兩副又要木椽二根官人上天無路了鬢入地無門這壁廂低頭苦腦那壁廂齒咬舌伸官人告曰一夜閒情風

月番做洞房胡越娘行且自停嗔聽唱玉芙蓉
一隻○情知理內虧跪倒塵埃地望娘行任奇
施爲渾身摘打皆由你切莫揸傷臉上皮休淘
氣且將息自己從今後再不敢暫時離娘子答
曰喬才亦可嗟躲在薔薇架喚丫鬟與我扯過
那冤家將他跪在燈兒下十指尖尖撒面揸你
全不怕把山盟當耍怒得我冷汗淋身手脚麻
詩曰冤家竊婢已成精半夜搔頭似賊形枕上
不成蝴蝶夢床前常作鷺鷥行輕言又恐喉嚨
响緩步猶防脚骨聲今日真情俱敗露五更道
打到天明



三十一卷

